

2. Umbúðir sem eru ekki endurlokanlegar

Umbúðir, sem eru ekki endurlokanlegar, búnar öryggislokum sem börn geta ekki opnað, skulu vera í samræmi við CEN-staðal EN 862 (útgáfa frá mars 1997) um „Umbúðir sem eru þannig að börn geti ekki opnað þær – Kröfur og aðferðir við prófun á umbúðum sem eru ekki endurlokanlegar“, samþykkt af Staðlasamtökum Evrópu (CEN).

Einungis rannsóknarstofur sem fylgja staðli númer ÍST EN 45 000 geta vottað að ofangreindum stöðlum sé fylgt.

Sérstök tilvik:

Ekki þarf að framkvæma ofangreinda prófun ef augljóst er að umbúðirnar eru þannig að börn geti ekki komist í innihaldið án þess að nota til þess áhald.

Í öðrum tilvikum, þegar gildar ástæður eru til að draga í efa að um barnhelt öryggislok sé að ræða, geta eftirlitsaðilar farið þess á leit við þann sem er ábyrgur fyrir dreifingu efnisins eða vörunnar að hann leggi fram vottorð frá rannsóknarstofu eins og lýst er hér að ofan, sem annaðhvort staðfestir:

- að lokið sé þannig að ekki sé nauðsynlegt að prófa það í samræmi við ofangreindan ISO-staðal, eða

- að lokið hafi verið prófað og reynst vera í samræmi við ofangreindan staðal.

B-hluti.

Áþreifanleg viðvörðun um hættu er upphleyptur þríhyrningur og skal útfærslan samræmast staðli númer ÍST EN ISO 11683:1997 (útgáfa frá 20. apríl 1997) um áþreifanlega viðvörðun um hættu.

30. apríl 2002

Nr. 355

LÖGREGLUSAMÞYKKT

fyrir Reykjanesbæ.

1. gr.

Samþykkt þessi gildir fyrir umdæmi Reykjanesbæjar.

2. gr.

Með almannafæri er átt við götur og svæði, ætluð til almenningsnota, og eftir því sem við á um aðra staði, sem opnir eru almenningi, íþróttamannvirki, verslanir, veitingastaði, bifreiðastöðvar, biðskýli, söfn, bryggjur o.fl.

3. gr.

Almenningi er skylt að hlýða öllum lögætum skipunum lögreglumanna.

4. gr.

Á almannafæri má eigi viðhafa háttsemi, sem truflar umferð eða veldur vegfarendum öðrum óþægindum. Enginn má sýna öðrum áreitni á almannafæri eða sýna þar af sér ósæmilega háttsemi.

5. gr.

Lögreglustjóri getur bannað notkun tækja og annars þess háttar, á eða við almannafæri,

ef ástæða er til að ætla að hún valdi hávaða, ónæði eða truflun. Bannað er að hafast nokkuð að sem veldur ónæði eða raskar næturró manna.

6. gr.

Húseigendur eða umráðamenn húseigna skulu halda tilheyrandi gangstígum, stéttum og tröppum hreinum af snjó og klaka svo sem kostur er svo og hreinsa snjó af húspökum og fjarlægja grýlukerti, sem valdið geta hættu fyrir vegfarendur. Gluggapvott má ekki framkvæma nema í frostlausu veðri, ef þvotturinn veldur rennsli á gangstétt eða götu.

Húseigendum er skylt að hlíta fyrirætlum bæjaryfirvalda um frágang girðinga og trjágróðurs þar sem svo háttar til að hann hamlar umferð vegfarenda um gangstéttar eða tálmar útsýni við gatnamót.

7. gr.

Óheimilt er að reisa auglýsingaskilti eða festa upp auglýsingar á almannafæri nema með leyfi bæjaryfirvalda. Slíkar auglýsingar skal auglýsandi fjarlægja þegar þær hafa þjónað tilgangi sínum og er honum skylt að bæta úr spjöllum er uppsetning eða brotnám auglýsinga kann að hafa valdið.

Leyfi skipulags- og byggingarnefndar þarf til að setja upp föst auglýsingaskilti eða aðrar varanlegar auglýsingar.

Staðsetning og útlit skilta má ekki fara í bága við umferðaröryggi og fullt tillit skal tekið til nábylis- eða grenndarréttar.

Bæjarstjórn getur sett reglugerð sem kveður á um frekari skilyrði varðandi auglýsingar og varanleg mannvirki sem tengjast auglýsingum, auglýsingaskiltum og skyldum hlutum.

8. gr.

Bæjarstjórn getur sett umgengnisreglur um skemmtigarða, kirkjugarða, íþróttasvæði, leikvelli og önnur opinber svæði, enda séu reglurnar festar upp við innganginn eða á öðrum áberandi stað.

9. gr.

Á almannafæri og annars staðar á eignarlandi bæjarins má ekki nota skotvopn, halda flugeldasýningar, ganga með logandi blys eða kveikja í bálköstum nema með leyfi lög- reglustjóra/slökkviliðsstjóra.

10. gr.

Á almannafæri má ekki leggja eða setja neitt það, sem hindrar umferð.

Bannað er að leggja í íbúðahverfum stórum vinnuvélum eða bifreiðum, sem notaðar eru til fólks- eða vöruflutninga. Umferð vörubifreiða, sendibifreiða, fólksflutningabifreiða og vinnuvéla um íbúðarhverfi er óheimil nema í atvinnuskyni eða af öðrum brýnum ástæðum. Þó getur bæjarstjórn í samráði við lögreglustjóra veitt undanþágur frá reglum 2. mgr., ef talið er að slíkt leiði ekki til slysaþættu, ónæðis og/eða óþæginda fyrir íbúa.

Á götum bæjarins eða þar sem hætta getur af stafað má ekki hindra umferð með skemmtunum eða leikjum. Heimilt er að dveljast og vera að leik á vistgötu, en eigi má hindra för ökutækis að óþörfu.

Enga atvinnu, sem tálmar umferð, má reka á almannafæri.

Lögreglustjóri getur bannað stöður hjólhýsa, báta, hestaflutningsvagna og þess háttar tækja á götum og almennum bifreiðastæðum.

Heimilt er að flytja burtu og taka í vörslur bæjarins bifreiðar og önnur skráningarskyld tæki, sem standa án skráningarnúmera á götum og almennum bifreiðastæðum. Tilkynna

skal skráðum eiganda og/eða umráðamanni, ef hann er þekktur, um flutninginn og bera þessir aðilar kostnað vegna flutnings og vörslu bifreiðarinnar.

Allur akstur vélknúinna torfærutækja, svo sem fjórhjóla, er bannaður í landi bæjarins, en bæjarstjórn getur heimilað undanþágu frá þessu ákvæði á afmörkuðum svæðum.

11. gr.

Þeir sem flytja farm um götur bæjarins skulu gæta þess, að ganga þannig frá farminum, að ekki valdi óþrifnaði. Allan óþrifnað, sem valdið er af þessum sökum, er farmflytjanda skylt að hreinsa upp þegar í stað.

Losun hvers kyns úrgangs, sorps, jarðefna og annars er veldur óþrifnaði er bönnuð í bæjarlandinu nema á stöðum sem ætlaðir eru til þess og bæjaryfirvöld vísa á til þeirra nota.

Húseigendum eða umráðamönnum húseigna er skylt að sjá til þess að hreinsa upp allt rusl sem frá þeim berst og annað er veldur óþrifnaði og óþrýði við hús þeirra eða starfsstöð, lóðir, aðliggjandi götur eða torg.

Hvers kyns taka jarðefna og tilfærsla jarðefna eða annað jarðrask er óheimilt í bæjarlandinu, þ.m.t. fjörur, nema með samþykki bæjaryfirvalda.

Óheimilt er að láta aflvélar kyrrstæðra bifreiða, vinnuvéla og annarra ökutækja ganga að óþörfu, svo komast megi hjá loftmengun á almannafæri eða þar sem ætla má að slíkt valdi óþægindum.

12. gr.

Lausaganga búfénaðar í umdæmi bæjarins er bönnuð og búfénað má ekki reka lausan um götur bæjarins.

13. gr.

Hundahald er bannað í bæjarfélaginu að undanskildum þarfahundum á lögbýlum, leitarhundum og hundum til aðstoðar blindu og fötluðu fólki.

Bæjarstjórn er heimilt að veita undanþágur til hundahalds.

Sá er leyfi hefur til hundahalds skal sjá til þess að hundur valdi eigi ónæði með spangóli eða gelti, að hann gangi aldrei laus á almannafæri og gæta fullkomins hreinlætis í meðferð hans og meðal annars fjarlægja hundaskít.

Nánari reglur og skilyrði eru í sérstakri samþykkt um hundahald í Reykjanesbæ, Gerðahreppi, Vatnsleysustrandarhreppi og Hafnahreppi, sem nú gildir um hundahald í bæjarfélaginu, eða skv. gildandi samþykktum á hverjum tíma.

14. gr.

Þegar hús er byggt, rífið, endurbyggt eða flutt er eiganda eða verktaka skylt að haga sér eftir þeim fyrirmælum, sem lögreglustjóri gefur, til að forðast farartálma, hættu eða óþægindi fyrir vegfarendur.

Girðingar sem hafa verið reistar vegna mannvirkjagerðar, skal fjarlægja þegar þeirra er ekki lengur þörf.

Þegar hús eða annað mannvirki brennur eða það er tekið burt, án þess að annað sé byggt í staðinn, er eiganda skylt að ganga svo frá hússtæðinu, að ekki stafi af því hætta, óþrifnaður eða óþrýði.

15. gr.

Bæjarstjórn ákveður nöfn á götum og lætur festa upp nafnspjöld, þar sem þurfa þykir.

Húseigendur skulu merkja hús sín greinilega með húsnúmeri, eða nafni þar sem það á við, og sjá um viðhald og endurnýjun þess, ef á þarf að halda. Ef þess er kostur skal

velja húsnúmeri stað á viðkomandi fasteign þar sem það sést frá þeirri götu, sem hún stendur við.

16. gr.

Ef ís á sjó eða vötnum þykir ekki nógu traustur getur lögreglustjóri bannað alla umferð um hann.

17. gr.

Utan sölubúða er sala á hvers konar varningi bönnuð með þeim undanþágum sem hér greinir: Blöð, bæklinga, aðgöngumiða, happdrættismiða og annað þessu skylt má selja á almannafæri.

Bæjarstjórn getur veitt leyfi til vörusölu/farandsölu á torgum og öðrum stöðum. Skal leyfi bæjarstjórnar bundið við ákveðnar vörutegundir og er heimilt að setja leyfinu þau skilyrði, sem talin eru nauðsynleg. Bæjarstjórn er heimilt að ákveða leyfisgjald, sem rennur í bæjarsjóð, með sérstakri gjaldskrá.

18. gr.

Opnunartími veitingastaða, verslana, annarra þjónustufyrirtækja og heimsendingarþjónustu er frjáls, að því marki sem heimilt er í lögum er gilda á hverjum tíma eða reglum sem settar eru samkvæmt þeim s.s reglum um leyfi til áfengisveitinga, en bæjarstjórn getur þó takmarkað opunar- eða þjónustutíma hjá einstökum aðilum ef starfsemin veldur nágrönnum eða vegfarendum ónæði.

19. gr.

Hver sá sem rekur veitinga- eða gististað, kvikmyndahús, leikhús eða annað samkomuhús eða heldur almenna skemmtun eða sýningu skal sjá svo um að allt fari þar vel fram og að starfsemin valdi ekki nágrönnum eða vegfarendum ónæði.

20. gr.

Atvinnustarfsemi í íbúðarhverfum er óheimil. Bæjarstjórn getur þó heimilað þar minni háttar starfsemi, svo fremi sem tryggt sé að slíkt leiði ekki af sér ónæði eða truflun gagnvart íbúum. Slíkt leyfi skal ekki veitt til lengri tíma í senn en 4 ára og bundið við nafn leyfishafa. Bæjarstjórn er heimilt að ákveða leyfisgjald, sem rennur í bæjarsjóð, með sérstakri gjaldskrá. Brjótí leyfishafi gegn ákvæðum þessarar greinar eða reksturinn þykir ekki fara vel úr hendi getur bæjarstjórn, með 3 mánaða fyrirvara, afturkallað leyfið.

Atvinnurekstri í húsnæði sem liggur að íbúðarbyggð skal jafnan hagað þannig að ekki hljótist af ónæði eða truflun fyrir þá, sem næst búa. Gildir það jafnt um starfsemina sjálfa, sem og umferð sem af henni hlýst. Bæjarstjórn getur sett sérstakar reglur um slíka starfsemi ef ástæða þykir.

Enginn má reka knattborð, spilakassa, tölvuspil, leiktæki eða skylda starfsemi gegn borgun, nema með leyfi lögreglustjóra að fenginni umsögn bæjarstjórnar. Leyfi skal ekki veitt til lengri tíma í senn en fjögurra ára. Það skal bundið við nafn leyfishafa og rekstur á tilteknum stað. Lögreglustjóri ákveður gjald fyrir leyfið, sem greiðist árlega. Í leyfi skal kveðið á um aðgang ungmenna að starfsstöð leyfishafa.

21. gr.

Fasta afgreiðslu bifreiða eða sölu notaðra bifreiða má einungis hafa í því húsnæði eða á þeim stað, sem bæjarstjórn hefur samþykkt til slíkra afnota, að fenginni umsögn lögreglustjóra. Bæjarstjórn veitir leyfi í tiltekinn tíma, ákveður gjald fyrir leyfið sem rennur

í bæjarsjóð, og getur takmarkað leyfi við ákveðinn fjölda bifreiða og sett önnur þau skilyrði er þurfa þykir.

22. gr.

Ef einhver lætur það ógert, sem honum er skylt samkvæmt lögreglusamþykktinni eða reglum sem settar eru samkvæmt henni, getur lögreglustjóri látið framkvæma það eða gert aðrar nauðsynlegar ráðstafanir til að hindra að vanrækslan valdi tjóni. Kostnað við þetta og kostnaður, sem leiðir af þeim ráðstöfunum, er lögreglustjóri gerir til að hindra brot gegn því, sem bannað er í samþykktinni, greiðist af brotamaninum eða ef hann er eigi fær um það, úr ríkissjóði.

23. gr.

Brot gegn lögreglusamþykkt varðar sektum. Sama á við um brot á reglum sem settar eru samkvæmt lögreglusamþykkt.

Ef kenna má yfirsjón barns skorti á hæfilegri umsjá foreldris eða þess sem gengur barninu í foreldris stað skal refsa þeim fyrir yfirsjónina.

24. gr.

Lögreglusamþykkt þessi, sem bæjarstjórn Reykjanesbæjar hefur samið og samþykkt samkvæmt lögum um lögreglusamþykktir, nr. 36 frá 18. maí 1988, staðfestist hér með til að öðlast þegar gildi og birtist til eftirbreytni öllum sem hlut eiga að máli.

Jafnframt er numin úr gildi lögreglusamþykkt fyrir Reykjanesbæ frá 29. september 1995.

Dóms- og kirkjumálaráðuneytinu, 30. apríl 2002.

F. h. r.

Björn Friðfinnsson.

Jón Þór Ólason.

SAMÞYKKT

um sorphirðu í sveitarfélaginu Árborg.

I. KAFLI

Almenn ákvæði.

1. gr.

Sveitarfélagið Árborg, annast sorphirðu í sveitarfélaginu. Heilbrigðiseftirlit Suðurlands, í samræmi við lög nr. 7/1998 um hollustuhætti og mengunarvarnir, hefur eftirlit með sorphirðunni og að farið sé að samþykkt þessari. Bæjarstjórn er heimilt að fela öðrum framkvæmd sorphirðu. Þeir aðilar sem sjá um sorphirðu skulu hafa til þess tilskilin starfsleyfi í samræmi við reglugerð nr. 785/1999 um starfsleyfi fyrir atvinnurekstur sem getur haft í för með sér mengun. Um meðhöndlun úrgangs fer að öðru leyti í samræmi við reglugerð nr. 805/1999 um úrgang.